

PROGRESSO... FAMILIARE (!?)

O brava gent, ii sentu la noità?

“Se gh’è success? S’è capitàa?”

Han cancelaa mama e papà!!

Te voeuret vedée che g’aveven minga tort

Quand me cuntaven che m’han trovàa

Sota ‘na verza in fond de l’ort?

‘Dess mi scherzi, ma disem on po

Se l’è minga roba de trà via ‘l co!

Pensà che l’è inscì bell

Quand i an in tanti e ‘n del cervell

Con un po’ de fantasia

Se poeu tornaa a la poesia

Di nost prim temp, quand mama e papà

Me brasciaven su e me faseven balàa!

Mama e papà in i prim parol

Ch’emm imparàa senza bisogn di scol.

L’è anche l’ultima, mama, quela che se dis

Prima de serràa i oeucc e ‘ndà in Paradis

A corighcontra: l’è là che me speta

Col noster papà, parent e amis.

Perché la Famiglia l’è ‘na gran bela realtà

Che se disfa de chì per rifass de Là!

Come l’è bela la Famiglia! L’ha creada ‘l Signor

Come ‘na scola doe s’impara l’amor.

Femigh capì a chi voeur disfala

Che staghen lì no a cincquantala

Cont i ball che me voeren fa cred

Ch’el mond l’è divers de quel che se ved!

L’om e la dona in faa per stà insema

Per voress ben e mett su la so càa

Cont i fiolitt che coren de chi e de là

Ch’in inscì bei anca quand fan dannà.

Cerchée de voress ben cari mamm e papà!

Fegh vedée a tucc che la Famiglia

L’è la roba pussé bela ch’el Signor l’ha inventàa.

Gh’è nient al mond che ghe somiglia

Che persin Lu, quand el me vegnù a cercàa

L’ha voru trovass ‘na vera Mama

E, in prestit, persin on Papà!

Riflessione sulla Famiglia (*da Don Arnaldo*)